



24. juli 2013

Inatsisartut suleriaasianni § 37 naapertorlugu matumuuna imaattunik apeqquteqarniarpunga:

(Inatsisartunut Ilaasortat, Siverth K. Heilmann, Gerhardt Petersen ATASSUT)

Naalackersuisunut apeqqutit:

1. Qanoq annertutigiva – suliffeqarfinnut ataasiakkaarlugit nalunaarsorneqartunut aningaasartuutit, - sulisussarsiuussisarfinnut, - siunnersortinut, - suliffeqarfinnullu siunnersuineramik suliaqartartunut, Namminersorlutik Oqartussani Naalackersuisoqarfiini Aqutsisoqarfiinilu tamani, Naalackersuisoqarfinni aamma Aqutsisoqarfinni ataasiakkaani tamani ataatsimut akissarsianut aningaasartuutitut sanilliullugit?
2. Naalackersuisoqarfiit Aqutsisoqarfiillu ataasiakkaarlugit nalunaarsorneqartumik sulisussarsiuussisartunik, - siunnersortinik aammalu suliffeqarfinnik siunnersuisartunik qassinik sulisitaqarpat? Taakkunungalu aningaasartuutit qanoq annertutigippat?

Inussiarnersumik qinnutigineqassaaq paasisutissat nalunaarsuiffimmut skema-mut nalunaarsorneqassasut imatut agguataarlugit:

1. Siunnersortit, sulisussarsiuussisarfiit, aamma suliffeqarfiit siunnersuineramik suliaqartut najugaqavissut, taakkulu amerlassusaat aamma aningaasartuutit.
2. Danskit / nunani allamiut siunnersortit, sulisussarsiuussisarfiit, aamma suliffeqarfiit siunnersuineramik suliaqartut, taakkulu amerlassusaat aamma aningaasartuutit.
3. Namminersorlutik Oqartussat Naalackersuisoqarfiini aamma Aqutsisoqarfiini siusinnerusukkut atorfeqarsimasut qassit siunnersortitut avataaneersutut atorneqarpat, - avataaneersunut siunnersortinut ataasiakkaarlugit nalunaarsorneqartunut qassinut qanorlu aningaasartuuteqartoqarpa, - nalinginnaasumik akissaasersorneqarnermut atorfeqarnermullu isumaqatigiissutit naapertorlugit atorfeqareernerup kingorna?
4. Malittarisassanik qanoq ittunik nutserisunik / translatorinik namminersortunik Namminersorlutik Oqartussat Naalackersuisoqarfiini Aqutsisoqarfiinilu sulisitsinerni atuisoqarpa?

5. Nutserisunut / translætørinut namminersortunut aningaasartuutit qassiuppat aammalu nutserisut namminersortut qassit Namminersorlutik Oqartussat Naalackersuisoqarfiini Aqutsisoqarfiinilu ataasiakkaani atorpeqartarpat?
6. Suliffeqarfinnut nutserinermik suliaqartunut translætøritulluunniit ingerlatsiviusunut Danmark-imeersunut nunani allaneersunulluunniit oqaasiinnakkut allaganngorluguluunniit isumaqatigiissuteqartoqarnikuuva?
7. Qanoq annertutigisumik – aningaasartuutit aamma amerlassusaat, - nutserisut aamma translætørit namminersortut nunanit allaneersut Namminersorlutik Oqartussat Naalackersuisoqarfiini Aqutsisoqarfiinilu ataasiakkaani atorpeqartarpat?
8. Qanoq annertutigisumik – aningaasartuutit aamma amerlassusaat – videoliortarfiit Namminersorlutik Oqartussanik atorpeqarpat? Nunaqavissut kalaallit ingerlataat taavalu danskit/nunami allamiut videoliortarfii.

Apeqqutit siuliani pineqartut 1-imiit 8 ilanngullugu kissaatigineqarpoq piffissamut 2013-ip aallartinneraniit ullumikkumut tunngatillugu akissuteqarfigineqassasut.

Tunngavilersuut

Naalackersuisooqatigiinnissamik isumaqatigiissummi 26. marts 2013-imeersumi allassimavoq, *”Suleqatigiinnermi inuiattut ilisimasat misilittakkallu tunaartaralugit tatigeqatigiilluni Inatsisartuni naalackersuisunilu sulineq ingerlakkumavarput.”*, soorlutaaq aamma ersittoq *”Nunatta naalagaaffinngoriartornera ilutigalugu aatsaat taamak pingaaruteqartigaaq kalaallip nunaminut inuiaqatigiinnullu sullissinissaa. Avataaneersunik sulisoqartarnerup sapinngisamik annikinnerpaaffianiitinnissaa Naalackersuisooqatigiit pingaartippaat.”*

Namminersornerulluni Oqartussaanerup aammalu Namminersornerup eqqunneqarneraniilli qitiusumik allaffissuaqarfimmi – taamanili – aammalu sulii maannamut, - tikisitanik danskinik ilinniagartuunik sulisoqarnissaq pinngitsoorneqarsinnaasimangilaq. Atorfillit danskit ilinniagartuut ukiuni ikittuinnarni maaniittarput, tamannalu ilisimasanik katersinermut ilisimasanillu tigumminniinnarni arnermut ataqatigiissitsini arnermi aalaakkaanngitsumik ingerlatsinermut pissutaalluni.

Atorfillit danskiusut aammalu sulisussarsiuussisartut, siunnersortit suliffeqarfillu siunnersuisartut danskiusut namminneq ilisimasatik misilittakkatillu aallaavigisarpaat, aaqqiissutissanik suliaqaraangamik, taakkualu tamatigut pissutsinut nunatsinni atuuttunut naapertuuttuusangillat. Kiisalu oqaatsit attaveqatigiinni arnermut killiliisuupput allaffissornikkullu ingerlatsinermut akitsorsaataallutik, suliat suulluunniit tamavimmik nutserneqartarlutik ingerlanneqartarmata.

Namminersorlutik Oqartussat Naalackersuisoqarfiini Aqutsisoqarfiinilu avataaneersunik sulisussarsiuussisartunik, siunnersortinik aammalu suliffeqarfinnik siunnersuisartunik atuinerup

aammalu tikisitanik sulisoqarnerup aamma kingunerisarpaa ilisimasat misilittakkallu ataatsimut katersorneqannginnerat, pigiinnarneqannginnerat aammalu nunatsinni katersuuffeqannginnerat.

Naatsorsuutigaarput ullut suliffiusut 10 qaangiutsinnagit akissummik tigusaqassalluta.